

鐵琴銅劍樓藏書目錄

鐵琴銅劍樓藏書目錄卷第十六

常熟瞿 鏞子雍

子部四

譜錄類

重修考古圖十卷

明刊本

宋呂大臨撰元大德間茶陵陳翼採諸家辨證附其下刻之故曰重修此明鄭宏經重刻本有大臨自記陳才子序及陳翼鄭宏經序原書目前列所藏姓氏除祕閣太常內藏外有三十七家皆北宋時收藏名家也述古堂錢氏有影宋鈔本與此不同惜未之見

嘯堂集古錄一卷

影鈔宋本

宋王球撰有李邕序曾機後序集古器款識併及漢官私印後來印譜實濫觴於此若宣和印史乃後人僞作也是本出鄉先輩陳鴻文先生手寫先生名煌圖工篆隸書故影摹精善

卷首末鈐海虞陳氏禾寶圖書陳鴻文圖書記朱記

宣和博古圖二十三卷

元刊殘本

宋王黼撰是書原本三十卷今缺卷六至七卷廿一至廿二卷廿四至廿六晁氏讀書志作王楚撰案蔡條鐵圍山叢談宣和殿徽宗藏古器書畫之所大觀初作博古圖一書錢遵王謂成於宣和年者考之未

審耳此至大中刊本款式悉仍宋本而削去王黼姓
氏凡所列諸品俱注明依原樣製減小樣製明刻本
概爲減小失其眞矣

文房四譜五卷

舊鈔本

宋蘇易簡撰徐鉉序易簡有後序是書舊本多脫譌
黃文琴六假得鶴夢山房舊鈔本振綺堂汪氏本合
校一過補卷一筆之雜說脫文四十二條卷二筆之
詞賦一條卷三硯之敘事九條其闕文訛字補正二
百八十餘字遂爲完書

硯史一卷

舊鈔本

宋米芾撰汲古毛氏有刻本此其原鈔本也書字甚精卷首襄陽自題亦似其筆法當從舊本摹出者

卷首

末有西河居士及毛氏藏二朱記

硯箋四卷

舊鈔本

宋高似孫撰并序所采古書甚夥如魚豢典略開元文字伍緝之北征記劉澄之永初山川記皆足以補遺佚舊藏邑中趙韞燁家

新纂香譜二卷

舊鈔本

宋陳敬撰原書四卷此存卷一卷二爲香品香異修製印篆疑和諸類舊爲文瑞樓藏本從小玲瓏山館

馬氏假得傳鈔者當時已非全帙矣是書所採有沈
立之洪駒父香譜武岡公庫香譜張子敬續香譜潛
齋香譜拾遺顏持約香史葉庭珪香錄是齋售用錄
溫氏雜記各種今皆不傳存一書以存眾書則是本
足貴也有熊朋來序洪氏香譜序顏氏香史序葉氏

香譜序

卷首有文瑞樓
藏書記朱記

雲林石譜三卷

舊鈔本

宋杜綰撰此明萬曆甲戌歲夢覺子從楊五川藏本
所錄案楊升菴卮言跋此書謂石凡一百十有七品
此本祇有九十三品豈一品中有連綴數品升菴併

數而得之耶毛氏山居小玩刻本有譌脫處孔傳原

序亦未刻

卷末有毛壽君朱記

右器物

酒經三卷

宋刊本

題大隱翁撰案宋李保續酒經自敘大隱翁爲宋朱翼中別號宋史藝文志作一卷誤說郭本但刻總論一卷此則是本也板刻甚精每半葉十行行十八字後有跋云酒經一冊乃絳雲未焚之書五車四部盡爲六丁下取獨留此經天殆縱余終老醉鄉以此轉授適王令勿遠求羅澹鐵橋下耶余已得脩羅採花

法釀仙家燭夜酒視此經又如餘杭老嫗家油囊俗
譜耳辛丑初夏蒙翁戲書卷首有雁里草堂誠惠堂
季振宜印滄葦軒學徐健

菴諸印卷末有雁里子柄傳
是樓印記徐氏珍玩諸朱記

茶錄一卷

舊鈔本

宋蔡襄撰分上下二篇白撰前後序皇祐中進御治
平中刻于石此書與茶具圖贊蔬食譜皆爲錢遵王
鈔本楮墨精絕疑從宋刻摹寫也錢氏又附以觴政
段食良方燭夜仙酒法以類相次合爲一冊每卷末
一紙欄外左角有錢遵王述古堂藏書八字

茶具圖贊一卷

舊鈔本

不著撰人目錄後一行題咸淳己巳五月夏至後五日審安老人書以茶具十二各爲圖贊假以職官名氏明胡文煥刻入格致叢書者乃明茅一相作別一書也

蔬食譜一卷

舊鈔本

百川書志云本心翁門人清漳陳達善編今考是書題陳達叟編不作達善且其自序云本心翁齋居晏坐客從方外來問食譜口授二十品與之是本心翁者達叟自號非其師也百川書志誤

飲膳正要三卷

明刊本

元忽思慧撰延祐中忽思慧官飲膳太醫時撰進詳
列補益氣血湯膏煎造之法禽魚草木之類並繫以
圖此明景泰中內府重刊本有虞集序及明英宗御
製序

右食譜

洛陽花木記一卷

舊鈔本

宋周師厚撰據自序爲鄆江人元豐中官於洛陽所
作列牡丹百餘品芍藥四十餘品雜花三百六十餘
品其敘牡丹名品尤詳末及栽接之法意以諸家之
譜未備因卽開見所及增補之舊爲邑中孫氏藏本

卷首有孫從添印慶增二朱記

桐譜二卷舊鈔本

宋陳翥撰并序翥字子翔自署銅陵逸民又號咸聲子繹書中載自作植桐詩文蓋慶曆間人未仕而隱者借桐以見志也分十類上卷曰敘原曰類屬曰種植曰所宜曰所出下卷曰采斫曰器用曰雜說曰紀誌曰詩賦是書惟見陳氏書錄餘皆不載厲樊榭輯宋詩紀事搜羅甚廣亦未載其詩舊為邑中魚氏鈔

藏本卷首有魚元傳印虞巖二朱記

金章蘭譜一卷舊鈔本

宋趙時庚撰案自序作於紹定癸巳歲詳論蘭之容
質品第高下兼及封培愛養之法意以續牡丹荔枝
諸譜此與洛陽花木記均出明人所鈔合裝一冊

蟹略四卷

舊鈔本

宋高似孫撰并序嘉靖十年姑蘇柳僉錄本

卷首有黃氏如

與之印臣存恕
勿之請朱記

右草木蟲魚

雜家類

墨子十五卷

明刊本

題周墨翟撰此南昌唐堯臣於吳興陸氏得內府本

以刻較明監本爲勝舊爲洞庭葉氏藏書

卷首有葉樹廉印石

君二朱記

鵬冠子三卷

明刊本

舊謂楚人不著姓氏宋陸佃解并序舊本脫譌陸氏爲之勘正詮解亦簡質此明初覆刻宋本

呂氏春秋二十六卷

元刊本

題秦呂不韋撰高氏訓解此元至正間嘉興路總管劉貞得東牟王氏校本所刊每半葉十行行二十字序後有嘉興路儒學教授陳泰校吳興謝盛之刊一行有鄭元祐序

淮南鴻烈解二十一卷

校宋本

此顧澗蘋氏校定善本先以道藏本校過後於汪闥原家假得宋本詳校近刻之訛字及注中脫文與文注混淆處俱一一改正并注明行款葉數宋本每半葉十二行行廿二字注每行廿五字不題高誘注題太尉祭酒臣許慎記上蓋宋時相傳爲許注也其下方墨筆則松崖先生所校亦澗蘋氏從朱文游族子借得惠校本逐錄者也

淮南鴻烈解二十一卷

明刊本

此明茅氏刻本文多脫譌注皆刪節郡人江永澣氏

以道藏本校改完善間加訂語考正不苟

卷首有江聲叔漢江

沅諸朱記

人物志三卷

明刊本

題魏散騎常侍劉劭撰涼儒林祭酒劉昞注前有阮逸序不署名此明隆慶間揭陽鄭氏刻於歸德郡庠

卷第行款猶仍古本較程氏叢書本自勝四庫全

書所收乃萬曆甲申河間劉用霖所刊卽出自此本

卷首有馮子元家藏印植盒二朱記

劉子新論十卷

明刊本

此書舊皆題梁劉勰撰袁孝政注惟晁氏讀書志直

齋書錄據袁孝政序作北齊劉晝此明人覆刻宋本
亦題劉勰舊爲士禮居藏書卷首有士禮居藏黃丕烈堯夫諸朱記

顏氏家訓二卷

明刊本

題北齊黃門侍郎顏之推撰明蜀榮昌後學冷宗元
校前後無序跋舊藏邑中馮氏卷首有朱筆海虞馮
武敬讀六字書中朱筆點勘處皆其筆也卷首有馮彥淵收藏

朱記

續顏氏家訓三卷

宋刊殘本

此書撰人晁氏讀書志題董正功直齋書錄焦氏經
籍志題李正公是本卷首已闕未詳孰是嚮藏邑中

張氏卽述古堂藏本之半所云宋槧絕佳者也原書
八卷今存卷六至卷八有養生歸心書證音辭雜藝
終制六篇而養生篇首二葉已闕全書體例以顏氏
書列於前而續者繫每篇之後徵引典博堪與原書
相輔而行其顏書中書證篇末較今本多一條其文
云禮樂志云給太官桐馬酒李奇注以馬乳爲酒也
捶桐乃成二字竝從手捶都統反同達孔此謂撞擣挺
桐之今爲酪酒亦然向學士又以爲種桐時太官釀
馬酒乃熟極孤陋之甚也按此已見勉學篇或後人
因其複出而刪之然義各有當文亦微異正宜竝存

爲是耳桐馬疑桐馬之誤酩酒疑酩酒之誤當日遵
王所藏尙有影鈔宋本合成七卷僅闕其一今已不
可見矣

長短經九卷

舊鈔本

題梓州郪縣長平山安昌嚴草莽臣趙蕤撰前有自
序原書六十四篇凡十卷末一卷已佚此書載晁氏
讀書志謂末卷陰謀本已闕是不傳久矣書中小注
間難以議曰云云乃是論斷之語而本文大字亦有
論曰云云原書雖出舊鈔然多訛奪假得周香嚴藏
本與之相同又小注中間有說曰論曰云云其體例

不盡可曉疑古書相傳大小字有潤入也校勘一過
差爲完善香巖本後有洪武丁巳沈新民跋與四
庫所收之傳是樓本合

化書六卷

明刊本

是書撰人晁氏讀書志題南唐宋齊邱此本題紫霄
真人譚景昇依宋碧虛子陳景元跋也明天順間代
府刊板弘治時方士鄭常清重刻之首有抱嶺山人
李紳序景昇名峭道家尊崇其先師故不繫其名而
繫其號焉

鳴道集說一卷

舊鈔本

金李純甫撰案劉祁歸潛志純甫字之純號屏山再入翰林連知貢舉好接引士流一時才士皆趨嚮之善屬文爲金朝一代作家終京兆府判或作名之純者誤其書列濂溪涑水橫渠二程上蔡元城龜山之說及江氏表心性說崇安聖傳論橫浦日新論而辨之其說多出入二氏嘗曰自莊周後惟王續元結鄭厚與吾同其學可知所著又有老子莊子解中庸集

解諸書

卷首有何焯之印此贗二朱記

習學記言五十卷

舊鈔本

宋葉適撰其書卽經史諸子及呂氏文鑑論述之多

縱橫博辨之言昔歐陽公不信繫辭本心以彖象爲
孔子親筆而繫辭說卦序卦諸傳非聖人所作當時
多謂其說異先儒義理未純而文詞有可取處宋嘉
定間弟子孫之宏囑越帥江某刻於郡齋此明人所
鈔舊藏毘陵趙氏

卷首有懷玉私
印億孫二朱記

右雜學

白虎通二卷

元刊本

此書不題名目錄前有小序云白虎通德論者後漢
孝章帝烜於白虎殿會羣儒講論五經同異所作也
後漢玄武司馬班固字孟堅奉詔纂其事奏御凡十

卷今作上下卷云其細目上作圓圖者凡十猶仍十
卷之舊上卷以爵號諡爲首崩薨喪服紼冕次之五
祀社稷禮樂次之封公侯京師五行次之三軍至耕
桑凡八篇及封禪巡狩攷黜次之下卷以王者不臣
至商賈凡五篇爲首文質至三綱六紀凡四篇次之
情性至五經凡十篇次之以嫁娶終焉三正作三政
三綱六紀分作六條與太字本同惟目錄上卷封禪
下脫巡狩考黜兩條此世所傳爲宋刊小字本卽吳
槎客所藏盧抱經所見之本核其板刻字體實元時
重刊本也每半葉十二行行二十三字匡字戊字有

缺筆舊爲汲古閣藏書未有黃堯圃跋謂得之太倉

故家

卷首有毛晉朱記

白虎通德論十卷

元刊本

題臣班固纂集陳氏書錄作十卷此大德九年劉平父刻本卷數與陳氏合以爵號諡爲首五祀社稷禮樂次之封公侯京師五行次之三軍誅伐諫諍鄉射致仕辟雍災變耕桑次之封禪巡守考黜次之王者不臣著龜聖人八風商賈次之文質三政三教三綱六紀次之情性壽命宗族姓名天地日月四時衣裳五刑五經次之嫁娶次之紼冕喪服崩薨終焉每半

葉九行行十七字明嘉靖元年遼陽傅鏞刻於太平
者云依此本而卷分上下近莊氏盧氏校刻本作四
卷迨各分上下刻成始見十卷之本不及追改矣書
中每多古字通用如由猶如而中忠方旁觀館采菜
必畢之類而召伯作邵伯與公羊解詁同有邵作有
台與詩考所引合猶存古本之真焉有嚴度張楷序

獨斷二卷

明刊本

題漢左中郎將陳畱蔡邕撰嘉祐中俞樾中嘗校正
舛錯釋以己說今已不傳此弘治間安成劉氏以舊
本覆刻末仍舊跋二行其文云右蔡氏獨斷一編古

之制度文爲於此乎考錄本多舛今稍是正而刻之
舒頴淳熙庚子六月初吉江都呂宗孟書百川學海
本亦出自呂刻抱經盧氏謂異於時刻者祇在綱與
目分合之間耳

卷首有葉樹廉石君歸來草
堂孫從添印慶增諸朱記

古今注三卷

舊鈔本

晉崔豹撰宋嘉定間刻本有李某序丁黻跋此卽據
以傳錄卷末有正德二年丁卯九月十日錄一行不
著姓氏卷首朱筆一行云己亥三月盧弓父校正舊

藏稽瑞樓

卷首有武林盧
文弼手校朱記

中華古今注三卷

舊鈔本

題國子監太學博士馬縞集有自序此書見陳氏書錄惟核與崔氏書不同者僅數條與自序添注以釋其義之語不合世皆疑爲後人依託

近事會元五卷

舊鈔本

題贊皇李上交撰并序其書紀唐武德而下盡周顯德以前朝野掌故凡五百事可補唐書五代史之闕兩京新紀之佚中紀後唐明宗長興三年二月中書奏乞依石經文字刊九經書印版從之又漢隱帝乾佑二年五月于國子監置雕印儀禮周禮公穀二傳書有印板自此始也此本卷三中依目錄復舊茶法

後脫去改正茶稅法社倉義倉貸義倉支用賒糶常
平法稅屋間架五條蓋舊闕也舊爲萬曆壬午夏五
元素齋錄本馮默菴傳錄有手跋曰太歲乙酉避亂
於洋蕩之村居是年閏六月憂悶無聊遂手書此本
二十日而畢是書是秦季公所藏余從孫岷自借鈔
之七月初六日孱守老人記

東觀餘論二卷

舊鈔本

宋黃伯思撰此本爲萬曆間西陽山人顧飛卿氏校
定後附跋語云從景陽秦君假鈔自錄泐句而畢舊
藏張超然家超然名遠閩人來寓於虞卷中朱筆皆

其所校

卷首有張遠字超然朱記

續談助五卷

影鈔宋本

宋晁伯宇撰伯宇字鎖庭中進士第黃山谷嘗薦於蘇東坡謂其詩才奇麗卒官封邱丞著有封邱集見王崇慶開州志又晁氏讀書志載封邱集謂其世父所作此書惟見宋藝文志及文淵閣書目所采諸書自十洲記至膳夫經凡二十種每種後皆系以跋語述得書之由今原書多佚而不傳矣宋時有刻本明皇象山人姚氏杏假以手錄葉心有茶夢齋鈔四字皇象山人手跋云續談助五卷宋刻本爲故友秀水

令江陰徐君子寅家藏子寅歿後其家人售於秦汝
立氏汝立乃余門人汝操之弟儲蓄甚富假而手錄
閱三踰月始訖事藏之茶夢閣以俟善本云嘉靖壬
戌秋八月姚咨識迄今三百餘年流轉藏書家完好
如新可寶也又有黃藺圃孫子瀟二跋卷首有朱彝尊印錢曾虞山錢遵王藏書汪繹別字東山小瑯環福地祿笈諸朱記卷末有舜咨茶夢主人收藏二朱記

容齋續筆十六卷

宋刊本

宋洪邁撰首行題書名次行自序序後接本文每卷
標若干則總目後有凡二百四十九則一條每半葉
十行行廿一字書中貞元貞觀貞定貞惠竝作正桓

公作威公魏徵作魏證殷武作商武顓頊作顓帝恆
戒作謹戒完顏亮作元顏亮至匡朗勗樹讓則缺筆
字體端嚴紙質堅緻當爲宋時印本明嘉靖刻本亦
清整可觀核之謄處甚多如卷一漢郡國諸官條郡
縣各有司局幹之局誤居卷二存歿絕句條玉局他
年無限笑限誤恨卷四卜筮不同條泥而不通通誤
道日者條其色有黑者白者黑誤墨柳子厚黨叔文
條呂溫李景儉柳宗元以爲信然儉誤險宣和冗官
條令遵守成法令誤今卷五杜詩用字條此以其字
獨字對相字也也字脫后妃命數條宣帝令皇后擇

年之長老曰公老誤者臺城少城條晉益州刺史治
太城太誤大卷六文字潤筆條大官卒其門如市大
誤天卷七俗語算數條皆俗語算數皆誤然卷九兒
寬張安世條見謂忠謹謂誤其蕭何先見條何爲泗
水卒史事第一史誤吏史漢書法條受詔別降樓煩
以北六縣北誤此卷十漢官名條太中大夫太誤大
漢唐輔相條薛宣翟方進有材具具誤其唐諸生束
脩條唐世士人多工書工誤攻卷十一古罇子條志
林記始興王鑑王誤玉昭宗相朱朴條儀者偃之兄

者誤之楊國忠諸使條權知太府卿事兩京太府太
俱誤本祖宗朝宰輔條猶多除六曹尙書除誤餘東
坡自引所爲文條正以公爲法也公字脫卷十二婦
人英烈條此而可賣而誤兒獻其姬妾妾誤妻唐制
舉科目條皆出幾句句誤內卷十三下第再試條而
以湛文采道麗而誤面卷十四尹文子條此至治之
術也至誤正蓋晉宋時細人所作細誤納卷十六計
然意林條如伊尹不以一衣與人亦不取一衣於人
之類衣皆誤介賴有是本可以訂正惜五筆僅存是

種矣

卷首有舊學史氏
復隱書印朱記

容齋隨筆十六卷續筆十六卷三筆十六卷四筆十六卷

五筆十卷

明活字本

宋洪邁撰宋時刻本不一今皆不傳此明錫山華氏以活字擺印板心上方有弘治歲在旃蒙單閼八月下方有會通館活字銅版印八字每半葉十八行行十七字有邁自序及何異序華燧印書序

攷古編十卷

舊鈔本

宋程大昌撰舊有千頃堂藏本杭堇坡氏據曝書亭藏本校正此本依之傳錄黃文琴六復加校勘用墨筆爲別

程氏續考古編十卷

舊鈔本

題新安程大昌此書惟見陳氏書錄卷數亦合其考據精確與前書相同而尤詳於史事卷端有王惕甫芭孫跋謂追述當時職志緣起足爲後據歐公所謂勿浪書者是也舊爲何義門藏書

卷首有何焯之印
惕甫借觀二朱記

程氏演繁露十六卷續演繁露六卷

明刊本

題宋新安程大昌著明建武鄧漢校前有淳熙庚子自序及本傳萬曆丁巳鄧漢刻板序後有嘉定庚辰男覃跋淳熙辛丑陳應行俞成二跋又嘉靖辛亥族孫煦跋

困學記聞二十卷

元刊本

宋王應麟撰案本傳宋亡厚齋年五十四杜門不出朝夕坐堂上取經史講解論辨所撰諸書當俱成於是時是書自題有晚遇艱屯可證也歿於元元貞二年年七十有四此泰定二年弟子袁清容序而刻於慶元路學距歿時三十年爲是書初刻本有牟應龍陸晉之序日後有伯厚父深寧居士墨圖記二方卷末有孫厚孫宣孫校正慶元路儒學學正胡禾監刊二行舊藏太倉陸氏

卷首有陸時化印
潤之所藏二朱記

日損齋筆記一卷

舊鈔本

元黃潛撰同里劉剛編凡辨經六則辨史十六則雜
辨十三則前有門人宋濂序

右雜考

論衡三十卷

宋刊本

漢王充撰是書卽宋慶曆中楊文昌刊本號爲完善
歲月旣久文字漫滅元至元間紹興路總管宋文瓚
重爲補刊每半葉十行行二十字間有弘治正德間
修板目錄後有墨圖記二行其文云正德辛巳四月
吉旦南京國子監補刊完通津草堂所刻卽出是本
程氏叢書出自通津轉輾傳刻譌字益多程本脫去

第一卷七下一葉無安陽韓性序此皆具存黃堯圃跋云余聚書四十餘年所見論衡無逾此本蓋此本宋刻元修明又增補故中間每葉行款字形各異至文字之勝於他本者特多斷推此爲第一矣

卷末有汲古閣

毛氏收藏子孫永保朱記

論衡三十卷

校元本

此明程榮漢魏叢書本吳心葵氏借陳子準校本傳錄陳所校者有兩元本其直書行間而不言何本者大字本也簡端書元本某作某者小字本也其云盧校者卽小字本原校因篇首有抱經堂印知爲學士

筆也據陳跋元小字本十五卷每兩卷合爲一卷每半葉十二行行廿四字前後有洪景伯跋旣歸愛日精廬張氏今不知何往矣大字本卽余所藏者實爲宋刊間有元明修版耳

論衡三十卷

校本

此明錢震瀧本王君振聲以吳臨陳子準校本傳錄又借黃丈琴六校大字本互勘兩家所校各有訛脫以吳臨補黃校所脫者一百有七條以黃校補吳臨所脫者一百三十三條吳黃互異者十五條又以通津草堂本改正二百八十一條蓋陳校卽用通津本

故凡通津本不異元刻而程榮本異者都未之及黃
依通津本校改卽依元刻也其後又得孫潛夫臨趙
靈均校宋本有與元本異者錄於下方靈均寒山趙
凡夫子潛夫吾邑人其自跋云己亥六月用趙靈均
校定本對讀又云趙本今藏葉林宗處兵燹洊經不
知又復何如耳潛夫志

風俗通義十卷

元刊本

題漢太山太守應劭此大德丁未刻本與白虎通同
刻於無錫學中行款悉同明程氏胡氏本皆作四卷
胡本尤多脫誤此猶古本舊第二皇至六國爲首樂

正后夔一足至彭城相袁元服次之九江太守武陵
威至公車徵士豫章徐孺子次之長沙太守汝南郗
惲至江夏太守河內趙仲讓次之太尉沛國劉矩叔
至蜀郡太守潁川劉勝次之商角宮徵羽至菰荻次
之孔子至太傅汝南陳蕃次之先農至司命次之世
間多有見怪至世間多有見赤白光次之五嶽至溝
洫終焉有劭自序及李果謝居仁序丁黻跋

春明退朝錄三卷

校宋本

宋宋敏求撰邑人柏濤手錄本仁和胡心耘以宋本
校勘一過改正脫譌不少宋本每半葉十二行行二

十字

卷首有柏
溪朱記

夢溪筆談二十六卷

明刊本

宋沈括撰并序此明人覆刻乾道揚州本中有脫譌

黃堯圃氏以元刻本校正

卷首有土
禮居朱記

東坡志林十二卷

舊鈔本

宋蘇軾撰直齋書錄載東坡手澤三卷卽此書也是

本不著何人編輯較趙氏毛氏刻本爲多編次亦異

曾氏類說中有東坡仇池筆記一種亦併入焉但字

句異同往往而有舊爲崑山張石川氏藏書葉白泉

主政得之校勘數過白泉名國華文莊後人也後有

跋云此石川先生所藏書也題籤猶其手蹟偶從肆
中得之書以識歲月丙辰冬日棗竹堂又云昔人讀
書有謬誤者必乙之陸魯望云得一書詳點然後實
於方冊值本卽較不以再三爲限于心竊慕之以懶
廢業志林二冊爲張石川先生舊藏謬誤不少再三
較完故識之簡端又有跋云此本與虞山趙氏刻於
南中者頗多異同蓋後人各取先生語爲之耳丙戌
秋再較過書此白泉老人

卷首末有葉氏藏書葉
德榮甫世藏二朱記

東坡志林五卷

明刊本

此邑中趙氏所刻乃湯雲孫錄本分類編輯并附仇

池筆記二卷漁樵閒話一卷綠君亭本卽從此出有
趙用賢序趙開美跋

珩璜新論一卷

舊鈔本

宋孔平仲撰其書考證舊聞語多精核舊爲楊五川
氏鈔藏本板心有嘉靖乙未七檜山房八字末題云
借周述陽本嘉靖三十七年八月鈔始完中秋後一
日已刻手校畢五川子記又云此書最該博所恨但
詳於史而經典獨少毅父讀史時筆也後歸松江莫
氏邑中毛氏崑山徐氏中有黏籤手校字據黃復翁
跋立齋相國手筆也復翁又跋云去冬復收秀野草

堂本與此本同無平善一條而詞句亦間有可采遂著其異者於上方甲申上元後三日兩窗老堯記今

卷中墨筆皆是

卷首有毛晉私印毛展之印玉關山人諸朱記

曲洧舊聞十卷

舊鈔本

宋朱弁撰書中多述北宋遺事足資史家考證此本凡涉宋帝皆提行蓋依宋刻也前有萬曆乙巳八月丙午孫鑛記

卷首尾有錢曾遵王述古堂圖書記魚東川藏書海虞聽竹齋孫氏珍藏諸朱

記

曲洧舊聞十卷

明刊本

此嘉靖間義興沈氏刻本板心有楚山書屋四字題

宋朱弁少張撰案仁和縣志朱弁字少章則名與字合張字疑謫但錢遵王讀書記及各家書目均仍作張因識之以俟善本訂正焉

元城語錄解三卷附行錄解一卷

明刊本

宋馬永卿編其師劉元城之語王崇慶爲之解元城名安世司馬溫公弟子其學出入二氏解中有駁正語曾刻於紹興五年此明人覆刻本也有張九成馬

永卿序

嬾真子錄五卷

舊鈔本

宋馬永卿撰中多考證經史之語他本無錄字此出

明入手鈔

卷首有周銘之
印勒山二朱記

巖下放言三卷

舊鈔本

題石林翁邑中魚氏虞巖藏本得袁氏舊本以藏者
中多譌脫不可讀仁和胡心耘嘗攜葉君調生所得
漢陽葉氏家藏本以示校正爲多調生云鄭景望蒙
齋筆談卽此書中下二卷今案是書引論語助我避
父諱而作佐我益可證爲公作而非鄭氏之書也書
中有張舜民送葉魏公歸吳中詩今鮑刻畫墁集遺
之其第七條豫之義不在豫文也句下尙有爾雅猶
如鹿而善登木避人已去猶疑而再登則有猶義左

氏謂爲可以已之辭是矣而猶之義不在猶文也四
十二字別本都脫惟漢陽本爲全後有嘉靖戊申八
月汝南袁表題識兩行又一行云萬曆癸卯年春三
月若淪跋

寓簡十卷

舊鈔本

題寓山沈作喆明遠纂前有自序及嘉靖丁巳陝西
布政司左參議南都陳鳳序明遠爲葉石林弟子學
有原本所著有寓山集南北國語惜皆不傳此本舊
爲晉安謝氏藏書板心有小草齋鈔本五字又藏周
櫟岡處卷末又有顧若霖朱書題記云康熙辛丑孟

冬日照家藏舊鈔本校閱一過

卷首有晉安謝氏家藏圖書周元亮家藏

書胡氏英邨藏本諸朱記

丞相魏公譚訓十卷

舊鈔本

宋蘇象先撰并序是書追述其祖魏公遺訓魏公名頌字子容翰林學士紳之子泉州同安人徙居丹陽慶曆二年進士仕至右僕射兼中書侍郎罷爲觀文殿大學士領集禧觀使卒於建中靖國元年贈司空魏國公事蹟詳宋史此書作於公歿後四十年追憶遺訓分類輯成以備觀省上而治國宜家下而飲食起居鉅細不遺動靜悉載皆足爲後人法守書中述

公年七十餘夢先太師訓誨之嚴驚懼而覺謂心之
思慕雖夢寐終老亦未嘗忘足徵蘇氏家法之善宜
其五世登科冠於宋代也紹熙間有刻本此愛日精
廬張氏假得舊鈔本傳錄後有周泌跋

履齋示兒編二十三卷

舊鈔本

宋孫奕撰并序是書原本廿四卷爲前後集其鄉人
胡楷重訂爲廿三卷不分前後集明潘方凱刻本不
錄胡跋讀者致疑與趙希弁讀書附志所載不同矣
此本舊爲吳方山藏書文句有與潘本不同者胡跋
亦存他卷皆標廬陵鄉先生孫奕撰此第十四十五

二十卷猶標廬陵禮津孫奕季昭撰猶舊題也禮津

當是履齋所居之地

卷首有吳
艸朱記

游宦記間十卷

校宋本

宋張世南撰此明陳汝元刻本舊藏汲古毛氏子晉
諸孫文奎以影鈔宋本校正補錄世南自序一首并
記宋本每半葉九行行十八字書中述黃長睿云興
元關表諸郡食肆所貨薑豉用僵字最爲有理案說
文僵从艸疆聲此作僵字不解何理也

放翁家世舊聞二卷

舊鈔本

宋陸游撰原書出六俊袁氏所藏義門何氏所得係

從敖翁初稿本傳錄後或采之入筆記故較今刊本
附集後者不同

老學菴筆記十卷

校宋本

宋陸游撰毛氏刻本有脫譌處刊成後子晉子奏叔
借得蕭瑤彩藏舊鈔本校正已不及追改矣卷末錄
舊跋數行云老學菴筆記先太史淳熙紹熙間所著
也紹定戊子刻之桐江郡庠幼子奉議郎權知嚴州
軍事兼管內勸農事借紫子邇謹書

愧剡錄十五卷

宋刊本

題相臺岳珂有自序及後序每半葉九行行十七字

知不足齋鮑氏刊本即從之出中有空白十葉亦同

舊爲楊氏萬卷樓藏書卷首尾有楊夢羽氏華陰世家宏道天官篆宰天水趙氏

珍藏楊儀夢羽收藏
圖書之記諸朱記

鶴林玉露十六卷明刊本

宋羅大經撰并序此明初覆刻宋本失去自序邑人

許濬鈔補間加校訂卷首有夏父魏氏仲子私記二朱記

藏一話腴二卷舊鈔本

宋陳郁撰岳珂序題甲集卷上乙集卷下舊爲汲古

毛氏鈔藏楮葉心有毛氏正本汲古閣藏八字卷首有致

爽閣虞山錢曾道
王藏書二朱記

佩韋齋輯聞四卷

舊鈔本

朱俞德鄰撰此本題太玉山人或作太迂山人首有

自序舊爲愛日精廬藏書

書齋夜話四卷

舊鈔本

宋俞瑛撰按瑛字石礪吳郡人著述甚富尤嫻音律故書中論樂皆精瑩子楨字貞木亦工詩文是本舊爲石田翁家故物後歸魚虞巖閒止樓卷端有乾隆壬申王大椿跋後有乾隆丙戌魚元傅跋並附錄玉吾軼事兩條於後

卷首有跋南石田二朱記

志雅堂雜鈔一卷

舊鈔本

宋周密撰舊爲茶夢主人姚咨藏本又有雲烟過眼
錄一卷亦弁陽老人撰馮已蒼藏本核其語與雜鈔
大致相同而詳略稍殊雜鈔乃初稿也末有姚咨跋
云此冊先年友人石東居士唐以言詩偶得舊鈔本
命華氏館童鈔之以貽余者也近又得吳方山家藏
本兩窗無事試一勘校復正數十字嘉靖甲子秋九
月七十翁姚咨識

困學齋雜錄一卷

舊鈔本

元鮮于樞撰明無垢道人傳錄本卷末有跋云弘治
十五年五月望日在竹莊陸宗美先生第會俞寬甫

假歸錄之又一行云嘉靖戊申五月既望汝南袁表

命工徐堂錄於陶齋

庶齋老學叢談三卷

舊鈔本

元盛如梓撰案如梓嘗仕於宋結銜稱崇明州判官猶宋制也書迺入元以後所作舊藏太倉金氏後有

鹿原林佑兩跋

卷首有文瑞樓藏書朱記

閒居錄一卷

元鈔本

元吾邱衍撰案吾貞白有學古編專論篆印考覈精詳此其雜記考辨之語舊出華亭孫明叔手鈔明叔名道明迺同時友人親見其手稿錄之書法古雅圖

記重重可貴也卷末題識云至正十八年戊戌之秋
七月旦日鈔於泗北村居之映雪齋余家又別藏一
本爲汲古閣所鈔卽出自是本卷首末有映雪孫明叔印仇仁近氏辛夷
館季振宜印滄葦虞山
錢曾遵王藏書諸朱記

右雜說

雲煙過眼錄一卷

舊鈔本

宋周密撰錢遵王讀書敏求記載元至正間夏頤鈔
本此本卽從之傳錄卷尾一行云隆慶三年秋八月
周曰東重書一過首尾不分卷與世所行四卷者異
其中序次文字亦互有詳略殆爲後人增損與舊藏

藏書目錄卷十六

天

邑中馮氏每葉欄外左角有馮氏藏本四字

卷首有長樂馮

舒之印
二朱記

居家必用事類全集十卷

元刊本

不著撰人名氏亦無序跋載居家日用事宜以十干分集甲爲學乙家法丙仕宦丁宅舍戊農桑己食飲庚食類辛吏學壬衛生癸謹身每集又分于目所錄予史雜說簡而有要皆有益於生人日用紀文達以辛集中大德五年吳郡徐元瑞序習吏幼學指南一書聖朝二字提行故定爲元時所刻其書當亦元人所編錢氏補元史藝文志曰或云熊宗立撰

右雜品

意林五卷

明刊本

唐馬總編此書嘉靖間刻本有王大化序多脫譌黃
丈琴六以徐元太校刻道藏本參校補脫并加訂正
道藏本有戴叔倫柳伯存徐元太序

紺珠集十三卷

明刊本

不著撰人晁氏讀書志陳氏書錄解題以爲宋朱勝
非撰案王宗哲與勝非同時何以作序時謂不知起
自何代晁氏藏書甚富考据精覈亦不當有譌疑莫
能明也書凡纂錄說部一百三十有七種體例與曾

氏類說相同宋時有刻本此明天順間賀氏榮重刻

本也

卷首有內翰金壇
蔣超藏書印朱記

類說一卷

宋刊
殘本

原本不分卷數惟存仇池筆記隱齋閒覽東軒雜錄

三種書名用大字本文雙行細字板刻甚精每半葉

十行行十六字舊爲汲古藏本

卷首有毛
晉朱記

重校類說五十卷

舊鈔
本

宋曾慥編并序凡纂錄說部自穆天子傳至酒譜二

百六十一種原書今有不傳者猶得存其略書成於

紹興六年刊於庚申重刊於寶慶甲戌有葉皆序明

人刊本多所刪節此猶存寶慶本之舊云舊藏太倉

王氏

卷首有弁山堂藏書朱記

皇宋事實類苑六十三卷

舊鈔本

題左朝請大夫權發遣吉州軍州事江少虞撰有紹興十五年自序又後跋案宋史藝文志文獻通考俱作二十六卷與今本不合豈卷數有譌耶抑後人重析卷第耶漁洋山人所見僅有四十卷此本鈔自文瑞樓藏本舊爲師林山房王延世所藏者乾隆癸丑李北苑以所有說部本書校過後藏周香巖家關佚太半假得胡心耘本補全始復爲完帙矣

自警編五卷

宋刊本

宋趙善瑋編并序此書他刻本作九卷爲類八每類中分子目此本刻於嘉定甲申其分甲乙丙丁戊五卷乃原本也每半葉十行行二十字

右雜纂

鐵琴銅劍樓藏書目錄卷十六終

鐵琴銅劍樓藏書目錄卷第十七

常熟瞿 鋪子雍

子部五

類書類

藝文類聚一百卷

明活字本

題唐太子率更令弘文館學士渤海男歐陽詢撰與
宋本同明陸氏刻本脫去渤海男三字每條惟空一
格此則逐條提行每半葉十四行行十三字日後有
墨圖記云乙亥冬錫山蘭雪堂華堅允剛活字銅板
校正印行舊爲吳方山藏書

每卷首有姑蘇吳岫家藏朱記

藝文類聚一百卷

明刊本

此吳郡陸子玄刻本與華本大致相同陳子準以馮
已蒼校宋本訂正脫譌馮云八十五至八十七三卷
中宋本亦雜亂無緒陳云似有後人增入處非率更
原書也有詢自序胡纘宗序陸采跋

北堂書鈔一百六十卷

舊鈔本

唐虞世南撰此永興在隋時官祕書郎所作今世行
本爲明陳禹謨攙亂增改已失原書面目此猶舊傳
真本卽王厚齋所云趙安仁家之本錢遵王所云嘉
禾收藏家有原書尋訪十餘年而始得者也舊藏愛

日精廬張氏

卷首有棟亭書
氏藏書朱記

龍筋鳳髓判二卷

明刊本

唐張鷟撰此明弘治間吳門沈潤卿津刻本前有祝允明序据序云允明得之先外大父武功徐府君家乃元人錄本則是本實出元鈔也未有都穆跋

龍筋鳳髓判二卷

舊鈔本

是本依沈潤卿刻本傳錄陳子準丈得徐楨卿鈔藏本校改謬譌原書六十二篇中闕第十五十九二十一至四十二凡二十四篇沈本題下不列篇第改爲一條二條等蓋舊已闕佚也

卷首有積瑞樓朱記

稽瑞一卷

舊鈔本

題維嵩白雲子劉廣輯關西靈長氏許光祚訂此書
惟見崇文總目與玉海未著廣爲何時人案自序有
文部尚書奏天下瑞云云考通鑑天寶十一載詔改
吏兵刑部爲文武憲部時官文部尚書者爲楊國忠
也肅宗時仍復舊制是廣爲唐人書卽成是時可知
其全書之例以上古迄六朝符瑞事編爲四言韻語
而詳注其出處注中所引緯書及田俅子隨巢子王
隱臧榮緒晉書何法盛晉中興書梁大同起居注天
監起居注等書今俱亡佚是亦采輯古書之淵藪也

崇文總目列史部傳記類今易置類書類

白孔六帖一百卷

舊鈔本

唐白居易撰六帖三十卷宋孔傳續之爲六帖新書亦三十卷見文獻通考南宋時合之析爲百卷王厚齋所見已如此此明人依宋本鈔傳每半葉十行行十七字白帖卷首王安世序猶未佚與黃朝英靖康細素雜記所云合又有韓仲通韓駒序

小名錄二卷

舊鈔本

唐陸龜蒙撰并序專錄古人小名凡神仙玉女婦人臧獲亦所不遺唐藝文志崇文總目俱作五卷疑此

藏書目錄卷十七

三

出後人補輯矣卷末有萬曆二十六年六月在北溪
買書一行下鈐太原廷璋朱記舊爲葉石君藏書

有葉氏

朱記

新刊監本冊府元龜八卷

宋刊
殘本

宋王欽若等奉勅纂原書一千卷今存卷二百四十

九二百五十一至二百五十四又二百六十一二百

六十二二百七十六凡八卷每半葉十三行行二十

四字舊爲宋內府明內府藏本繼藏汲古閣毛氏愛

日精廬張氏

卷中鈐宋璽曰御府圖書緙熙殿寶明
璽曰文淵閣印又汲古藏書記毛晉私

印字子晉毛養字華

伯號質庵諸朱記

冊府元龜五卷

朱刊
殘本

此北宋刊本存一冊起卷九百一至九百五每半葉
十四行行二十四字字體方勁精好卷中朗傲警驚
殷等字減筆而微讓署俱不減當是祥符書成後最
初刊本零殘斷壁亦足珍也

事物記原集類二十卷

校宋
本

不著編纂姓氏趙氏讀書附志陳氏書錄解題俱謂
朱高承撰趙作十卷陳作二十卷正統間刻本分卷
十文多脫譌友人邵服僊以毛氏校宋本訂正宋本
作二十卷與解題合凡標題各類之部字俱作門字

引宋朝會要宋作國字亦有作本朝者明刊本於州
郡方域門中驛字條下脫去四條一曰敕書樓談苑
曰太祖令天下置敕書樓今州縣所有是也一曰鼓
角樓唐百官志曰節度使辭日賜雙節行則建節立
六纛入境州縣立節樓迎以鼓角今州郡有樓以安
鼓角俗謂之鼓角樓蓋自唐始也一曰酒務唐德宗
建中元年制禁人沽酒官司置店自沽收利以助軍
費唐志云正元二年天下置肆以沽也通典云隨開
皇三年罷酒坊則茲事起自隨前而唐復之也一曰
遞鋪蓋自三代有也國語曰晉以傳召伯宗又吳王

曰徒遽來告我注云徒步遽傳也孟子曰德之流行
速於置郵而傳命皆周事也其事自周始也餘校定
脫文義字不勝枚舉

書敘指南二十卷

明刊本

宋任廣撰呂柟序凡分一百八十三類採掇簡要各
疏出處以供啟劄之用是書北宋有槧本流傳絕少
今世行本爲康熙間金氏所刻此嘉靖六年御史吳
興沈松得沁水李瀚藏本序而刻於山西李鈔自中
祕者

職官分紀五十卷

舊鈔本

宋孫逢吉撰引用書凡三百二十種中多已佚之書
原序謂取楊侃職林而廣之楊書二十卷今亦不傳
矣原序題秦觀作計其年月不符辭亦不類當出後
人依託

錦繡萬花谷前集四十卷後集四十卷續集四十卷

明刊本

不著撰人姓名案自序爲淳熙間人明會通館有刻
本多舛訛重複嘉靖間錫山秦汴得宋刻本重梓之
前列考證一首黃氏千頃堂書目又載有別集三十
卷不見自序當出後人續增故秦氏雖家有其書而
未刻也

卷首有張照朱記

新編古今事文類聚前集六十卷後集五十卷續集二十八卷別集三十二卷新集三十六卷外集十五卷遺集十五卷

五卷

元刊本

宋祝穆撰前後續別四集其新集外集元富大用撰遺集元祝淵撰案此本目前有凡例一條云是編告成惟本朝諸賢所著之文不敢僭書其諱謹依文選各以字書云云不著姓名是合刻此書疑出建陽書肆所爲也前列淳祐丙午穆自序

紀纂淵海一百九十五卷

宋刊本

題金華潘自牧編前有自序卷一至三十六爲論議

部卷三十七至七十九爲性行部卷八十至卷百一爲識見部卷百二至百十一爲人倫部卷百十二至百十五爲人道部卷百十六至百二十一爲人情部卷百二十二至百三十五爲人事部卷百三十六至百三十七爲人已部卷百三十八爲物理部卷百三十九至百四十五爲敘述部卷百四十六至百四十九爲接物部卷百五十至百五十三爲問學部卷百五十四至百五十六爲言語部卷百五十七至百五十九爲政事部卷百六十至百六十五爲名譽部卷百六十六至百七十爲著述部卷百七十一至百七

十五爲生理部卷百七十六至百七十九爲喪紀部
卷百八十至百八十二爲兵戎部卷百八十三至百
八十五爲釋部卷百八十六至百八十八爲仙道部
卷百八十九至百九十五爲閭儀部每部又有子目
總千二百四十有六門其卷一至十八宋本闕鈔補
每半葉十三行行二十二字案是書詳於纂言不主
紀事與他類書異明萬曆中陳文燧偕蜀郡蔡呈奇
顧爾行重編百卷本付梓增入天文地理物類各部
顛倒次序盡失原書之舊卽所存原本各部中亦多
闕失如論議部憎人及胥門下脫去衆口難調一門

性行部反覆門下脫去面是背非一門絕物門下脫去徑直一門問學部代筆門下脫去醇正一門其生理部易爲民業部園池門下脫去李氏園一門閭儀部悼亡門下脫去哀挽一門其每條中脫失全文字句尤不可稱數潘氏原序亦未載今備錄其文曰世無類書博聞強記者不能無遺世有類書因陋就簡者恃以自足此類書之作前輩本以備遺忘便採掇而非以爲後學苟且之資也更生之說苑義慶之世說所以謂類書濫觴於此至於歐陽率更之類聚以藝文爲主徐堅之屬辭比事以初學爲名白樂天掇

拾奇字間出已語則又謂之六帖迨我本朝興國有
御覽冊府有元龜晏公有類要孔平仲有續世說孔
傳有六帖類書至此有謂大備矣尚安可復有所謂
記纂者耶蓋一定不易者事也而千變萬化者言也
前輩類書其於記事提要者詳矣而纂言鉤元大有
未滿人意遂使觀者如循一路之跡若守一隅之指
拘繫牽連往往凝滯於事實之內而不能推移變化
於言意之表此記纂之作非得已而不得已者與自牧
自少嗜書欲用前輩類書記事體參以纂言自成一
編獨唱無和或作或止東陽賈君昉成甫來室吾妹

間語及之於是慨然縱臆十涉春秋緡卷數萬而書
稍就當其相與其校取舍辨離合一語一事有竟日
不得其門而入者則吹析毫毛度絜銖只勞苦而後
得之時有意向未合討論或遺者又得金華汪君淳
叔川贊決而增益之至於校理差謬攷訂偏旁則又
叔川之功爲多記纂之成蓋非出一人之冒臆矣夫
博聞強記人皆願學而因陋就簡世之通患此書之
作庶幾天下之義理古今之議論若轉圓石於千仞
之山左右逢原無齟齬拘攣之患或者可以少補於
學者與凡爲部貳拾有二爲門一阡二陌四十有六

合一百九十五卷摠八十萬言嗚呼天下之書浩穰
無窮而家藏日覩所及有限今是書雖告成而未敢
以爲極備也嗣是有得當又陸續而增補之嘉定己
巳九月朔從事郎新差充福州州學教授潘自牧序

新編通用啟劄截江網六卷

元刊本

不著編輯姓氏亦無序跋考宋理宗時書肆本有羣
書會元截江網三十五卷當出一人所撰此書專載
慶壽一門其卷一至卷三標目有慶壽事實年甲事
實排日事實聖壽牋表謝賜表狀賀謝啟劄遣送駢
劄謝壽儀劄謝惠詩詞其卷四以下標目自皇太后

至僧道凡二十五類分門極爲詳析所採詩詞皆南宋人作或注名或注字號多本集佚篇

每卷首有史氏家傳翰院

收藏書畫
圖章朱記

小字錄一卷

明活字本

宋陳思撰起魏武帝小字阿瞞止蘇穎濱子遲小字梁适小字羅蓋卽陸魯望書而增益之小字卽小名也宋有刊本此明弘治間吳郡孫鳳以活字板印行後有黃蕘圖跋據蕘翁跋語知此板後歸崑山吳氏於陳思纂次一行後添出崑山後學吳大有校刊一行書中挽改之迹顯然此尚是初印本也

卷首尾有
康瓠齋記

策蜀石經一卷有半人家王氏子鼎珍藏書畫印士
禮居藏黃印丕烈堯圖平江黃氏圖書堯圖手校諸
朱記

全芳備祖五十八卷

舊鈔本

宋陳景沂撰并序又韓境序前集二十七卷爲花部
後集三十一卷爲果部卉部草部木部農桑部蔬部
藥部每部分事實賦詠二門而事實又分碎品紀要
雜著諸目賦詠分各體詩及詞採南宋人作爲多間
有本集已佚者

山堂先生羣書考索前集六十六卷後集六十五卷續集

五十六卷別集二十五卷

元刊本

宋章如愚撰南宋率多類事之家是書最爲精博此
元刊小字巾箱本雕槧亦工不同麻沙書肆所刻前
集六十六卷其目六經諸子諸經諸子百家韻學字
學諸史聖翰書目文章禮禮器樂律呂曆數天文地
理凡十六門後集六十五卷其目官制官士兵民財
賦稅財用刑凡九門續集五十六卷其目經籍諸史
文章翰墨律曆律曆五行禮樂封建官制兵制財用
輿地君道臣道聖賢凡十七門別集二十五卷其目
圖書經籍諸史禮樂曆人臣士財用兵夷狄邊防凡
十門案其標目分合與 四庫本絕異當是俊卿舊

第也目後有墨圖記云延祐庚申圓沙書院新刊每
半葉十五行行二十四字舊爲邑中浦氏藏書

玉田藏
書朱記

新箋決科古今源流至論前集十卷後集十卷續集十卷

別集十卷

元刊
本

前後續三集題閩川林駟德頌別集題前進士三山
黃履翁吉父編吉父與德頌同爲三山人亦同時故
既序其書而復補作別集明刊本以前集續集互倒
且於太極論前增太極圖及朱子太極圖解全失原
本之舊矣此本前集目後有正書墨圖記云延祐丁

已孟冬圓沙書院刊行又有鐘式記云延祐丁巳鼎式篆文記云圓沙書院板印清則元刻佳本也

玉海二百卷附詞學指南四卷

元刊本

宋王應麟撰元至元六年浙東道宣慰使司都元帥也乞里不花刊板於慶元路儒學公之孫厚孫寧孫承命校勘書寫者爲王秉王陞楊德載三人并刻詩攷詩地理攷漢藝文志攷通鑑地理通釋踐阼篇補注急就篇補注王會篇補注漢制攷小學紺珠姓氏急就篇六經天文編鄭氏易注通鑑答問十三種附於後當時修改未竟逮至正十二年慶元路總管阿

殷圖復命厚孫校正誤漏六萬字遂爲完書明代以
板置國子監遞有修補入 國朝尚存此猶元時印
本也目錄後列慶元路儒學刊造玉海書籍提調官
姓氏卷首有自題四言韻語及至元三年浙東道宣
慰使司都元帥府牒又厚孫跋胡助李桓阿殷圖王
介序辭元德後序

六帖補二十卷

影鈔
宋本

宋楊伯崑撰是書增補白孔之未備徵引宋代逸事
及詩句爲多此依宋刻本傳錄卷末列校正諸人姓
名曰鄉貢進士州學教諭張應采免解進士州學教

論徐應采貢補進士州學直學陸誼免解進士州學
直學孔應選免解進士州學直學鄭章迪功郎新吉
州太和縣主簿孔應得迪功郎新瑞州新昌縣尉州
學學正鄭逗當時刻於衢州學宮者有竹坡呂午序
淳祐甲辰俞仕禮後跋

重添校正蜀本書林事類韻會二十七卷

宋刊殘本

不著撰人名字直齋書目云無名氏蜀書坊所刻規
模韻類題選而加詳焉案韻類題選爲袁穀作穀爲
絜齋高祖與東坡交其書以韻類事纂集精要直齋
稱之今已不傳此書傳本亦稀斷珪殘壁幸而獲存

彌可寶已原書一百卷今存卷三四卷五五十一
卷五十三五十四卷五十九至六十一卷八十至九
十四卷九十八至一百凡二十七卷每半葉十二行
行大字二十小字二十五宋諱匡殷貞徵桓字皆減
筆字體端勁板刻清朗南宋初年刻本也烏程嚴鉞
橋舊藏

新編事文類聚翰墨全書一百二十七卷

元刊本

題前鄉貢進士省軒劉應李希泌編凡甲集十二卷
乙集九卷丙集五卷丁集八卷戊集五卷己集七卷
庚集廿四卷辛集十卷壬集十二卷癸集十一卷後

甲集八卷後乙集三卷後丙集六卷後丁集八卷後
戊集九卷前有大德十一年前進士考亭熊禾去非
序

十二先生詩宗集韻二十卷

宋刊本

題絳人裴良甫編并序十二先生者謂杜文貞李青
蓮高常侍韓文公柳柳州孟貞曜歐陽文忠曾文定
蘇文忠王荊公黃文節陳后山也按禮部韻每韻
下分載其詩句採摭頗詳古人押韻意匠可參觀而
得書中遇宋諱或易字或減筆每半葉十行行二十
三字舊爲明四明袁氏藏書

卷首有尚寶少卿
袁氏忠微印朱記

聖宋千家名賢表啟四冊

宋刊殘本

不著編纂姓氏亦無序跋存四冊卷數俱爲書估剗改不知原書有若干卷其書分類採取宋人表啟或全篇或句聯俱人掇拾當時書肆所刻兔園冊如啟剗青錢之類然所引佚書如漢官典職漢舊儀王隱晉書晉中興書千寶晉紀晉諸公贊等書鑒古者亦有取焉每半葉十四行行二十三字

新編簪纓必用翰苑新書前集七十卷續集四十二卷

鈔本

是書前集題莆陽錦水亭主人纂輯潭陽三槐堂主人較閱續集不題撰人前集自左右丞相至千請凡

七十八門目錄之前又槩括作書體例標識於首曰
官制曰歷代事實曰皇朝事實曰自敘曰旁引曰羣
書精語曰前賢詩詞曰四六警語此其自述書例也
續集自宰相至生辰凡六十三門惟載箋表不及事
實詩詞又所采皆全文未經刪竄是討求南宋駢文
者必資之書也通體抄白古雅疑明人從宋槧傳錄
者

諸史偶論十卷

舊鈔本

不著纂輯人姓名前有無名氏序謂司馬溫公作核
其書乃備科舉試策之用當出南宋人所爲僞託溫

公也鈔本甚舊尚出明初人藏書家圖記重重皆以舊帙而寶之

卷首有吳岫崑山葛鼎藏書之印季振宜藏書辛夷館印李振宜印王原祁印

麓臺諸

朱記

重刊增廣分門類林雜說十五卷

舊鈔本

金王朋壽編并序朋壽字魯老平陽人事蹟未詳是書卽唐于立政類林而增益之案于氏書見玉海目分五十此則廣至百門起孝行止禽獸蟲魚每門繫以贊語其徵引之書史部爲多有今已亡佚者如東觀漢紀謝承後漢書司馬彪續漢書蕭廣濟孝子傳陳留風俗傳會稽典錄洛陽宮殿簿石虎鄴中記之

類曾刊於大定間明人依其式以鈔者舊爲吳方山

藏書

卷末有姑蘇吳岫家藏朱記

漢唐事箋對策機要前集十二卷後集八卷

元刊本

題進士盱黎朱禮德嘉著有至正元年盱江謝升孫序禮事實無考盱黎爲建昌新城地建昌江一名盱江新城就黎灘鎮置縣亦號黎川考江西通志科目無朱禮名此所稱進士殆鄉貢進士也其書取漢唐政典分門纂記加以論斷并爲箋釋前集皆屬漢事後集皆屬唐事敘次貫穿議論平允實有裨於經世之學不徒供科舉之用也按謝序云漢唐事要吾友

朱君所作是此書原名漢唐事要其所爲對策機要
者想當時刊書人所加以邀易售故前集第七卷又
有新箋事要策場足用之名書估無識妄改名目絕
可哂也目錄後有正書墨圖記曰至正丙戌日新堂
葉舊爲泰興季氏藏本見延令書目卷中有周印天
珍藏彭城開國錢氏藏季振宜印滄
葦裘曰修審定董誥印蔗林諸朱記

右類書

小說類

世說新語三卷

明刊本

宋臨川王劉義慶撰梁劉孝標註是書紹興間董令

升刻之嚴州者得晏元獻手校本最爲精善後陸放翁有刊本明嘉靖間袁氏得陸本翻雕之猶存三卷之舊每卷各分上下惟汪彥章所作敘錄二卷已闕有紹興八年董彝原跋及袁褰序

因話錄六卷

舊鈔本

唐趙璘撰是書所紀析爲宮商角徵羽五部以君臣民事物分屬其文趙爲唐室名臣故紀載皆有關係非泛作小說者可比舊爲述古堂錢氏藏本

卷首有虞山錢

曾遵王藏書朱記

續世說新語十卷

明刊本

題唐李屋撰其書始劉宋迄隋末多取南北二史爲之篇目於劉書外增博洽介潔兵策驍勇游戲釋教言驗志怪感動癡弄凶悖十一門宋時有刻本明萬曆間梁溪安茂卿刻之俞安期復得焦弱侯本爲之校正重刊安期有序

大唐傳載一卷

舊鈔本

不著撰人姓氏所記皆唐代公卿遺事至寶曆年止繹書名當出唐人所撰自序云八年夏南行極嶺嶠暇日攬舟傳其所聞而載之或是元和八年耳此書與博異志甘澤謠等書同爲明人鈔本合裝一冊

卷首

有悔虞陵秋

家藏朱記

教坊記一卷附北里志一卷青樓集一卷舊鈔本

教坊記唐崔令欽撰所記皆開元中樂部事其後記一篇則諄諄以聲色示戒或謂陳直齋斥其鄙俗今案書錄解題中有北里志而無此書未知何據北里志唐孫榮撰青樓集不著撰人姓氏題雪蓑釣隱輯舊爲述古堂藏書合裝一册卷末欄外左角有錢遵王述古堂藏書八字楮墨精絕審其筆跡與茶錄等書似出一手

卷首有黃氏如珽之印朱記

雲溪友議三卷校本

唐范攄撰并序唐志本三卷直齋書目作十二卷今
商氏稗海本亦十二卷無三字標題及自序此爲明
刻猶存三卷之舊較商本爲完善書中多錄一時聞
人詩句曰友議實詩話也卷後朱筆一行題康熙甲
戌中秋馮本較一過不知何人之筆近元和徐紹乾
又以墨筆校宋本朱本每半葉十一行行廿二字
有葉萬石君歸
來草堂諸朱記

雲仙雜記十卷

明刊本

題唐金城馮贇編并序陳氏書錄謂其出後人依託
所記古事皆注所自出俱不經見者足供文人漁獵

之資崑山葉竹堂葉氏得舊本倩友人俞質夫寫而刻之有序質夫名允文工書

南唐近事三卷

舊鈔本

宋鄭文寶撰并序南唐亡後先作此書後作江表志馬氏陸氏南唐事採用二書爲多舊爲錢氏述古堂

藏本

卷首有虞山錢曾遵王藏書朱記

儒林公議一卷

舊鈔本

朱田況撰後有嘉靖庚戌季夏雁里子柄一跋謂作於守蜀之際故卷末稍記蜀事當元昊之叛況受經略夏竦辟爲判官從事西陲多所匡贊故卷中多記

元吳事卷末有嘉靖壬辰孟春良日玉泉子允升錄

於萬竹山房一行

卷首有何焯之印纂
國揚甫借觀諸朱記

甲申雜記一卷聞見近錄一卷隨手雜錄一卷

影鈔
宋本

朱王鞏撰所記皆宋世數朝之事足補史傳所未載
乾道間其從曾孫名從者合爲一編而刻之又附補
闕二十六事亦從所輯跋云乾道四年夏六月以同
舍吳君一能本校閱見甲申二錄所闕錄如右又有
從二跋及張邦基序

重雕改正湘山野錄三卷續錄三卷

鈔本

此從宋刻元鈔本傳錄宋刻上卷少一葉中卷少末

葉餘皆元人補鈔宋刻不題名每半葉九行行十九
至二十一字不等仁宗以前御諱有闕筆餘皆不闕
元鈔續錄題吳僧文瑩如晦編下卷都尉李和文公
注云犯御名按和文名遵勗勗爲神宗嫌名知亦從
北宋本出也以毛氏津逮祕書本相校舛謬甚多其
中卷末眞宗欲擇臣僚條件虜使射弓時雙下脫去
備者惟陳康肅公堯咨可焉陳方以詞職進用十六
字遂至不可讀矣此爲錢塘胡心耘所貽

鐵園山叢談六卷

舊鈔本

題百衲居士蔡條舊無序跋陳氏書錄作五卷謂條

謫官時作邑中龐氏藏有雁里草堂鈔本卽長塘鮑

氏刻入叢書者也此則商邱朱筠藏本

卷首有朱氏蘭揮藏書善

本朱記

續墨客揮犀十卷

舊鈔本

宋彭乘撰直齋書錄載墨客揮犀本有續集亦十卷

後來傳本絕稀各家書目皆謂已佚此葉石君藏書

卷末有題記云正德己巳歲夏日以舊刻本摹於志

雅齋

卷首有葉樹廉印石君孫從添印
慶增氏金庭玉陽人家諸朱記

西齋話記一卷

舊鈔本

宋祖無擇撰專記宋初及同時人雜事共三十五則

書中遇匠字缺筆殆從宋刻傳錄也

默記三卷

舊鈔本

宋王銍撰所記多宋初遺事足補舊史之闕舊爲錢遵王藏書葉石君嘗假而鈔之此邑中歸氏所鈔卽出錢本板心有江鄉歸氏藏本六字

河南邵氏聞見錄二十卷

舊鈔本

朱邵伯溫撰此出明人手鈔與汲古刻本字句略有異同卷中有朱筆藍筆點校末有無名氏藍筆題記云戊午六月十九日校閱畢炎蒸旬日如坐沸湯中兼之農民望雨切是晚忽得大雨三尺許暑氣頓消

大快

卷首有九龍山人顧氏圖
書翰泰之印昇階諸朱記

清波雜誌十二卷

宋刊本

宋周輝撰自序謂早侍先生長者與聆前言往行暇
日因筆之時居都下清波門目爲清波雜誌前有紹
熙癸丑張貴謨序後有括蒼章斯才毗陵張訢吳興
陳晦山陰楊寅邦城張巖楚龔頤正天台徐似道諸
跋皆作於紹興慶元中每半葉十二行行二十字書
中微字闕筆慎作眞惇作亨楮印俱工惜少別志二
卷案厲樊榭宋詩紀事周輝作周燁以馬曰琯見舊
本清波雜誌作燁謂當從之豈知宋槧本明明作輝

不作燁耶馬氏所見想係影鈔本亥豕之誤而樊榭
遠從之則大謬矣舊爲傳是樓藏書

卷首有乾學之
印健庵二朱記

程史七卷

宋刊
殘本

宋岳珂撰直齋書目云程史猶言柱記也集韻訓程
與楹同大約取楹書之義所記時事意主於辨賢奸
別是非皆有爲而作也原書十五卷今存卷一至卷
七每半葉九行行十八字

程史十五卷

元刊
本

題相臺岳珂雲間陳文明批點前有自序書中涉宋
帝朝詔等字俱空一格蓋猶依宋本刻者舊爲吳文

定藏書又歸傳是樓

卷首有吳寬乾學徐健庵王樹川諸朱記

癸辛雜識前集一卷後集一卷

舊鈔本

朱周密撰并序是書商氏裨海謨以齊東野語爲前集以別集作後集而後集續集則全闕此明人鈔本猶原帙也惟闕續集別集四卷

歸潛志十四卷

舊鈔本

元劉祁撰并序所記皆金源遺事兼錄同時聞人之詩有中州集未載者第十二卷專錄崔立碑事最詳元至大間有孫和伯刻本流傳絕稀千頃堂傳是樓藏本與王文簡所見者皆僅八卷此雖足本與敏求

記所載同然尚闕十一一卷中有朱筆改字卷末題識云借竹垞藏本校過

山房隨筆一卷

舊鈔本

元蔣正子撰正子字平仲舊題全愚或作子正者謬舊爲汲古閣藏書明人號猿庵者所鈔較稗海本固勝核鮑氏校刻本大致相似惟翟惠父詠鬼門關云小昌休苦笑挪揄此本作猖卷末記賈似道死事汝也宜得一檢此本宜作直似鮑本謬

卷首有猿庵手鈔毛晉私印汲

古主人諸朱記

南村輟耕錄三十卷

元刊本

題南村陶宗儀撰此至正丙午所刻本目後自記凡
伍伯捌拾肆事有孫作序

靜齋至正直記四卷

鈔本

題闕里外史孔齊行素著行素聖裔以父退之爲溧
陽書掾遂家焉後寓四明是編紀至正間雜事曰直
記者直筆也敘述瑣雜略寓勸懲之旨亦間及當時
鉅公軼事後有歸震川跋似出依託此書舊爲毛叔
美鈔藏本

右雜事

山海經十八卷

校朱本

此明吳琯古今逸史本頗有譌字邑人邵朗仙假得士禮居黃氏校宋本改正爲多宋本無大題首行頂格題南山經第一越數格題郭氏傳

山海經十八卷

明刊本

此本開卷首行頂格題曰山海經序次行題晉記室參軍郭璞撰序後接題山海經目總十八卷雙行注云本三萬九百十九字注二萬十字總五萬一千二百六十字以下南山經至海內經皆注本若干字注若干字又曰海內經及大荒經皆逸在外後接向秀上書狀以下首卷不題山海經惟題南山經第一次

行曰郭氏傳第一迄第十八卷皆同武進臧庸堂謂
宋本若此者猶六朝唐人之舊式也舊爲平津館藏

書

卷末有孫星衍印東
晉觀察使者二朱記

穆天子傳六卷

舊鈔本

舊題曰古文又晉郭璞注荀勗校定嚮爲楊五川藏
書依元刊本傳錄集心有萬卷樓雜錄五字後馮已
蒼得之以錫山秦氏鈔本校過改正譌字補錄序首
結銜五行其文云侍中中書監光祿大夫濟北侯臣
勗一領中書會議郎上蔡伯臣嶠言部二秘書主書
令史譴勳給三秘書校書中郎張宙四郎中傅瓚校

藏書目錄卷十七

三

古文穆天子傳已訖謹並第錄五別本皆無之屏守

老人跋云此冊爲楊夢羽儀所藏崇禎己卯借得錫

山秦汝操繡石書堂鈔本并取家所有范欽本校讀

一過兩日始終卷老眼已昏燈下更自草草識於空

居閣今上方朱筆皆其手蹟可寶也卷首有上黨馮氏藏本魚虞嚴

珍藏印稽瑞樓諸朱記

海內十洲記一卷漢武洞冥記四卷舊鈔本

十洲記題東方朔撰皆記神仙幻化之事洞冥記題

漢郭憲撰紀載之事多不足信而文采可觀昔人皆

謂六朝人僞作此出明人鈔本與集異記合裝一冊

舊爲邑中孫氏藏書

卷首末有孫從沾印
孫慶增家藏二朱記

漢武帝內傳一卷外傳一卷

舊鈔本

不著撰人姓氏其文詞華縟近齊梁人昔唐人謂漢

武故事爲齊王儉作疑亦儉等所爲也太平廣記所

載非全本此猶完善舊爲良常山人藏本

卷首有王
澍天官大

朱記

拾遺記十卷

明刊本

僞秦方士王嘉撰隋志作蕭綺撰記上古至晉時異

事末卷記諸名山王子年書本二卷其有論語低一

行加錄曰二字者爲綺所作前有綺序舊藏邑人孫

岷自家卷末記云是書有大父校本此其副也卷末有孫

江之印
朱記

集異記一卷舊鈔本

唐薛用弱撰記隋唐間詭怪之事晁氏讀書志云一

題古異記舊為邑中孫氏鈔藏卷首有孫從沾印朱記

博異志一卷舊鈔本

題谷神子名還古纂或曰姓鄭氏是書見崇文總目

晁氏讀書志陳氏書錄皆作博異志或作博異記

譌舊為邑人孫明志鈔本卷首有孫氏藏本朱記

廣異記六卷舊鈔本

不著撰人姓氏記隋末至唐上元中神異之事而開
元天寶間尤多乾元上元僅止一條卷中稱武太后
玄宗皇帝又有國家克復二京之語其出唐人所撰
無疑惟諸家書目俱未著錄亦無序跋可證不知稽
瑞主人何處得之

卷首有稽瑞樓朱記

續幽怪錄四卷

宋刊本

題李復言編目錄後有臨安府太廟前尹家書籍鋪
刊行一行每半葉九行行十八字樹慎廓字有關筆
案晁陳兩書俱謂李復言續玄怪錄續牛僧孺玄怪
錄而作也分仙術感應二門此則總二十三則不分

門晁云十卷陳云五卷述古堂書目又作三卷俱與
此本不合殆尹氏得其書重編以刻者玄改作幽避
宋諱也書中殺字俱作煞字卷中有鄭印數教之章
乃桐庵先生故物也

杜陽雜編三卷

舊鈔本

唐蘇鶚撰并序黃琴六丈從秦西巖致爽間鈔本校

過

卷首鈐黃琴
六讀書記印

前定錄一卷續前定錄一卷

舊鈔本

唐鍾輅撰并序記有唐卿大夫前定事凡二十三則
續錄不著撰人崇文總目亦作輅撰通志略續作廣

卷數同凡二十四則

劇談錄二卷

明刊本

唐康駢撰并序唐志晁氏讀書志通志略俱作三卷
陳氏書錄駢作駢此明人翻雕宋本舊藏郡中文氏
繼歸葉氏卷末有文從鼎題識一行云萬曆戊子仲

冬漫閱

卷首末俱有葉萬石君歸來
草堂孫印從添慶增諸朱記

宣室志十卷補遺一卷

舊鈔本

題唐張讀聖朋撰陳氏書錄朋作用晁氏讀書志作
明此明人手鈔宋本帝諱仍用減筆舊爲吳方山藏
書以朱筆校過

卷首有姑蘇吳
岫家藏朱記

關史二卷

舊鈔本

題唐參寥子高彥休撰案自序作於甲辰歲爲唐僖宗中和四年陳氏書錄謂其爲乾符中人各家書目所載書名俱有唐字此本無之明茶夢主人手鈔卷中朱筆卽其所校

卷首有姚舜咨朱記

甘澤謠一卷

舊鈔本

唐袁郊撰是書見晁氏讀書志陳氏書錄文獻通考皆云凡九篇已全太平廣記中反多數篇非原書也中有圓澤傳一篇蘇文忠嘗刪改而書之今譌入集中舊爲楊五川藏本茶夢主人假而錄之後歸葉石

君有名凱之者於崇禎庚辰歲假得葉本所錄有楊
儀二跋及姚咨跋

括異志十卷

舊鈔本

題襄國張師正纂此書惟見陳氏書錄尚有後志十
卷惜無之所記皆北宋名臣異事每段末注聞之某
某或云某筆以相示則師正亦北宋時人也目錄後
有建寧府麻沙鎮虞叔異宅刊行一行卷末有正德
十年歲次乙亥仲春癸丑日虞山逸民俞洪重錄畢

二行

卷首末有祝仲子承緒父
南陽叔子藏本二朱記

江淮異人錄一卷

舊鈔本

宋吳淑撰是書 閣本從永樂大典錄出此本出明

人所鈔與仙苑編珠疑仙傳合訂一冊舊爲文衡山

藏書後歸汲古閣蓋猶原本也

卷首有子晉及汲古主人二朱記

燈下閑談二卷

舊鈔本

不著撰人各家書目未載惟見館閣書目所記皆唐及五代時吳間當出宋人所作日後有陳道人書籍鋪刊行一行是宋時有刊本也卷後驛守居士題識云崇禎甲戌借葉林宗本錄仲昭所書

卧遊錄一卷

舊鈔本

宋呂祖謙撰此書見陳氏書錄謂成公晚歲病癢卧

家取史傳所載古今人境勝處錄之而以宗少文卧
遊之語實諸卷首亦見公弟監倉子約所作公年譜
爲公臨歿時作前有嘉定九年王深源序後有墨筆
一行云崇禎癸酉冬日寫

陰德錄一卷

明刊本

不著撰人名氏各家書目亦未載所錄皆宋代名卿
陰德事采自宋人說部諸書今已有不傳者如王氏
談淵曾魯公軼事古今類事之類書中遇宋帝及后
字俱空格疑亦宋人所輯惜卷尾已殘闕
卷首有來雲館朱記
右異聞

博物志十卷

明刊本

晉張華撰并序周日用等註明弘治間衢州推官賀志同所刻有都穆跋馮已蒼校過跋云茂先博學多異聞而所言平平不足採乃爾抑亦後人謬託非舊本耶不然側理青鐵余恐其稱冤也天啟壬戌六月二十一日詡道人識

卷末有馮已蒼讀書記朱記

酉陽雜俎二十卷續集十卷

校宋本

唐段成式撰趙清常刻本魚虞巖以宋本校過并記舊式每半葉十行行十九字此刻有成式自序及宋周登鄧復及明趙琦美刻書序

清異錄二卷

明刊本

宋陶穀撰前有隆慶壬申河間俞允文序云葉伯寅有元時孫道明鈔寫本六卷凡十五門二百三十事遺缺過半後復得鈔本不第卷次凡三十七門六百四十八事比道明本爲備而文獨簡略爲陶宗儀刪定本今參校勘正十有三而疑誤難正者並復存之又附王鳳洲來翰云僕向有清異錄意欲梓行得足下先之是藝苑中光孟不落莫矣後有隆慶六年壬申葉氏蕉竹堂編梓印行十五字

續博物志十卷

明刊本

宋李石撰較明游潛所撰博物志補自勝惟旣云續
志何以與張書複出數條豈李氏著此書時張氏原
書未佚今則已非其舊故致彼此複沓耶此亦賀志
同所刻有都穆跋卷末有開化庠生方衛謹錄一行
右瑣記

鐵琴銅劍樓藏書目錄卷十七終